

Ich Hans Cunad zcu Geilno gesessin, Barbara myne eliche husfraw, alle unßer
 erbin, erbnemen bekennen in desim unserm uffin brife, das wir || vorkawfft haben unnd
 vorkewffen in crafft deß brifis mit willen, wissin unnd folborth des ediln ern Borsen von
 Camencz unßers || erpherren deme ersamen manne, ern Hinriche Gastmeister pharrer
 5 zcu Camencz aller unßer gerechtikeit, czinse, renthe, dinste, || bethe und gerichte, dy wir
 habin uff Gruntman unnd Fyndeysen unßern armen luthen unnd eren gutern zcu Geilno,
 nemlich uff Gruntman czehen groschen uff Walpurgis unnd vunffezzen gr. uff Michaelis,
 eynen halben scheffil korn, also vil haber, andirhalben phlug, eyne sichil, eyn halp schog
 eyer, drey hüner unnd eynen phennig kese; uff Fyndeysen czwene gr. uff Walpurgis,
 10 czwene gr. uff Michaelis. Dy genanten renthe unnd unßer gerechtikeit, inlossen also
 wir dy gehat haben unnd besessin, keyns außgenommen, habin wir gegeben deme genanten
 ern Hinriche in eynen wederkawffe umme sechs schogk gr. unnd umme czwenzig
 groschen, czal unnd werunge des landis, dy her uns wol zcu dancke gutlichen bezalt
 hat. So wenne wir dy luthen, renthe unnd gerechtikeit wederkawffen wellen, das her
 15 uns dy also umme vil geldis weder verkawffen sal unnd wil, welchezeit des jaris wir das
 zcu rothe werdin. Ouch sullen unnd wellin wir dy luthen im vortedigen helfen glich den
 unßern unnd sy mit keynirleye dinste, bethe, robothen unde gerichtin besuern, sunder
 was sy busfellig worden in unsern gericht, an en weisen. Vorliffe sichs ouch also, das
 wir dy luthen unnd gerechtikeit, dyweile ern Hinrich lebete, nicht wederkawfften, so sullin
 20 dy luthen mit sulcher gerechtikeit komen an Michil Lumer, Agnisen syn weip, Susanna
 ire tachter unnd an ere leibiserbin, wordin sy dy haben; sust wordin sy ane leibiserben
 abegehen, sal zulche gerechtikeit komen an eynen zcukunfftigen pharrer, inlossen also
 obin genant ist. Ouch ap ern Hinrich Gastmeister by synen lebetagen dy megenanten
 gebawer eynem andern vorkawffin welde, das sullen wir im gunnen unnd unßer brife do-
 25 rober geben unnd dy lehen schicken demeselben, deme er sy worde vorsezczzen ader
 vorkewffen. Wordin wir ouch das dorffe Geilno vorkewffin, das sal geschen unschede-
 lich ern Hinriche sulcher obgenanter gerechtikeit, also obin genant unnd berurt ist in
 unserm uffin brife. Des zcu bekenthnisse unnd mer sicherheit, das wir desin kawff,
 stuecke, punckte unnd artikil gancz, stete, veste unnd unvorruglich haldin zullin unde
 30 wellin, habe ich Hans Cunat vor mich, vor myne husfrawe unnd vor alle myne erbin,
 erbnemen mit wissin myn ingesegil an desin uffin briff lossin hengen. Doby zcu gezuge
 synt gewest dy ersamen ern, Peter Franckintal altarista zcu Camencz, Peter Smedechin,
 Peter Hensil burgere dozelbist unnd ander frome luthen genug. Der geschrebin ist noch
 Cristi gebort virezenhundert jar dornoch in deme sebin unnd drisigisten jare am tage
 35 Fabiani unde Sebastiani.

Borso von Kamenz reicht deme ersamen manne ern Peter Patczolde altariste zcu
 40 Camencz des altaris in der kirchen Camencz, das geweyet ist in dy ere der heiligen